



Iringus miles fuit Irmenfridi ducis Thuringiæ, Imanuportis, ingenio acer, consilio acutus, & rebus agendis promptissimus. Itaq; apud Thuringos in magna auctoritate fuit. Cum aut̃ eo tempore Theodoricus Francorū rex cum Thuringiæ duce foedus inire uellet, Irminfridi uxor & Theodoricī soror hunc Iringum ad se uocauit, atq; ei persuasit, ut pacem eam disuaderet. Cum enim ipsa ex regina, & Theodoricus ex cōcubina natus sit, regnū illud sibi deberi. Sic Iringus effecit, ut pace repudiata bellum cum Francis acerrimū susciperetur. Cū aut̃ Franci postea Saxonū auxilia petiissent, Irmenfridus, hunc Iringum ad Theodoricū misit, & per eum cum affine egit, ut inuito foedere Saxones repellerent. In quod etiam Frāco consensit. Verū Saxones cum id intellexissent, noctu Thuringorū urbē astu occuparunt, & magnam hostiū partem occiderunt.